


松江府志


三十二




漢書門			
二	三	五	類
二	一	三	號
四	一	函	架

內閣文庫			
九	三	漢	
函	五	書	
七	四	三	類
架	冊	號	

內閣文庫	
番號	漢 2353
冊數	24 (16)
函號	292 17





松江府志卷之三十

儒學題名

師儒之職人才風俗繫焉自宋以還郡中英俊視昔為多則建學設官之效也右文盛典于是乎徵之

松江府儒學

教授

張夢應 至元二十二年任



馬允中 元貞二年任

劉蒙

沈德華 延祐元年任

薛鈇 延祐七年任

林聖予



倪俊 至正九年任

施璠 宣州人

陳仲微

馮恕 會稽人至正二十三年任

陶植 錢塘人至正二十五年任

訓導

周困 元貞二年任

唐純 元貞二年任

孫程 直學

錢壁 華亭人至正十六年任

胡存道 師善諸暨人泰定進士至正十六年任苗軍之亂死節學宮

張誼 海昌人至正十九年任

張節 華亭人至正十九年任

貝瓊 廷珍嘉興人明初徵修元史官終國子博士

王文澤 伯雨華亭人

明洪武中始定制設教授一員訓導四員

教授

蕭納

鄭興宗 宣德元年任

孫鼎 宜鉉江西廬陵人舉人宣德九年任擢監察御史督學南畿

王禮 江西人正統九年任

魯輿 浙江山陰人

陳惟辛 浙江慈谿人弘治十年任

宋隆 直隸趙州人弘治十二年進士正德五年任

彭鍊 江西人舉人正德六年任

王度 浙江臨海人嘉靖二年進士

譚璋 廣西桂林人舉人正德十一年任

汪集 浙江餘姚人舉人弘治十五年任

程 節 文純江西南城人舉人嘉靖七年由曹州學正陞任遷鹽城知縣終苑馬寺少卿

徐 丙 浙江長興人 王九純 浙江永嘉人

俞世潔 福建候官人 李廷瓚 廣西蒼梧人

翟 表 湖廣江夏人嘉靖二十一年任 趙 鮑 雲南保山人

許 鏞 北門浙江錢塘人嘉靖二十年進士 龍 光 江西泰和人

韓崇福 君祖直隸密雲人貢士嘉靖三十年由太康知縣調任以軍功陞本府通判

夏大勳 謙甫廣東饒平人嘉靖二十五年舉人隆慶二年由新淦知縣調任陞高淳知縣

馬魯卿 四川內江人隆慶五年進士

錢 桐 浙江長興人 顧春陽 湖廣人萬曆十年任

陳明表 廣東人舉人萬曆十二年任 丘行達 福建連江人貢生萬曆十四年任

黃承聘 南直隸江都人萬曆十七年任

張令聞 南直隸江陰人萬曆十四年進士二十年任

趙世典 年進士二十二年任 萬曆十四年

徐有功 浙江安吉人萬曆二十四年任 劉思忠 四川內江人萬曆二十六年任

顧四明 見遠山東利津人萬曆二十三年進士授清苑知縣乞教職改任仕至吉安知府

莊毓慶 福建惠安人萬曆二十九年進士本年任後任本府知府

沈道源 浙江嘉善人萬曆二十三年進士三十年由樂安知縣改任陞國子監博士

陸 官 浙江崇德人萬曆三十三年任 朱邦才 山東人萬曆三十四年任

逢弘化 山東人萬曆三十八年任 張其賢 河南人萬曆四十年任

李 庭 浙江湖州人萬曆四十四年任

胡公胄 浙江湖州人萬曆四十四年進士四十五年任

王繼美 福建興化人萬曆三十二年進士四十五年任

熊師旦 四川人萬曆四十四年進士四十六年任

盧天錫 河南人舉人萬曆四十七年任

李三奇 山東武城人萬曆四十七年進士四十八年任

楊肇芳 南直隸金壇人天啓二年任

陳鍾盛 江西撫州人萬曆四十七年進士天啓五年任

吳過 直隸人天啓七年任

王思任 遂東浙江山陰人萬曆二十三年進士崇禎二年任

方廣德 扶子河南南陽人崇禎四年進士本年任五年陞國子監博士

吳時偉

丁紹儀

浦孟煦

史懋忠

任文第

魯人緯

徐一鳳

胡光綬

訓導

邵亨貞

復孺浙江淳安人占籍華亭

林洵

浙江台州人占籍華亭

楊基

孟載蘇州人累遷山西按察使

全思誠

希賢上海人後召為文華殿大學士

丘克莊

歷官禮部侍郎

丘民

王嘏

南直隸揚州人洪武十一年任

張樞

夢辰上海人

管睿

新民浙江永嘉人占籍華亭

王彥文

華亭人

葉原白 浙江錢塘人 占籍華亭
馬兼善 浙江會稽人 占籍華亭

楊斌 華亭人

魏驥 仲房浙江蕭山人舉人永樂四年任累官南京吏部尚書卒謚文靖

韓陽 伯陽浙江山陰人 永樂十六年任
吳讓 華亭人 舉人

盧伯深 浙江上虞人
王溥 宣德元年任

瞿遠 宣德九年任
劉燾 陳仲仁

徐景 福建建陽人

胡昇 福建閩縣人
周復 江西吉水人

蕭雅 鄧敏
黃琮 王文華

唐珪 朱鍊
陳新 閻璵

楊霽 周瑄 浙江鄞縣人

趙儒 林汧 福建莆田人

孫濟 胡相 浙江永嘉人

高明 胡慶 浙江山陰人

魏寶 廣西臨桂人
詹津 江西鉛山人

王魯 福建莆田人
王儒 福建龍溪人

劉祖震 湖廣華容人
羅昨 江西吉水人 口口六年任

李文 廣西馬平人舉人 口口八年任
錢希賢 黃注

陳廷璉 王文華
王彥文 陳言

郭天秩 河南人
李廷芳 殷懃 江西人
閻佐 陝西人

楊霖 廣西人 趙儒 雲南人 胡慶 浙江紹興人

李宓 廣東肇慶人 徐亘 福建將樂人

王祀 江西玉山人 黃儀 福建南安人

王烈 浙江永嘉人 姜文輔 山東齊河人

李瓊 四川成都人 牛山 江西新建人

睦奉 直隸趙州人 黃琇 江西分宜人

易燦 湖廣巴陵人 雷應時 江西高安人

朱愚 汝明浙江嘉善人 博學善詩文尚氣節

郭維翰 南直隸丹徒人 芳自性 廣東靈山人

朱一祥 江西高安人 隆慶二年任 劉咨牧 江西萬安人

范應宜 山東高密人 隆慶三年任 喻英 四川大足人

陳嘉學 湖廣江陵人 萬曆四年任 許希旦 浙江人

高士 雲南人 萬曆五年任 黃思齊 南直隸宜興人

姚世卿 湖廣人 萬曆九年任 吳淶 南直隸吳江人

朱輅 浙江人 萬曆十一年任 陳桂芳 四川長寧人

徐應斗 貴州人 萬曆十一年任 黃德孚 南直隸績溪人

葉孝友 南直隸徽州人 萬曆十六年任 胡宗龍 南直隸淮安人

陳應期 南直隸石埭人 萬曆二十四年任 徐宗周 南直隸懷寧人

陸世科 南直隸滁州人 萬曆二十六年任 尹三接 南直隸淮安人

丁壽 南直隸淮安人 萬曆三十一年任 徐允文 南直隸淮安人

陸世科 南直隸滁州人 萬曆二十六年任 尹三接 南直隸淮安人

丁壽 南直隸淮安人 萬曆三十一年任 徐允文 南直隸淮安人

錢夢麟

南直隸銅陵人

耿文高

貴州普安人

漆登雲

湖廣祁陽人

趙天蛟

柳堪

南直隸淮安人

王大原

南直隸吳縣人萬曆四十二年任

吳允立

浙江嘉興人

吳民懷

廣西人俱萬曆四十五年任

鄧文選

南直隸南陵人

陳克建

浙江諸暨人

葉世瑞

浙江麗水人

萬言試

湖廣羅田人

何儼

湖廣道州人

葉一科

南直隸句容人

馮士梅

南直隸金壇人俱萬曆四十年任

王家棟

南直隸安慶人萬曆四十四年任

鮑恩宣

南直隸徽州人

高登第

南直隸嘉定人

徐希穀

浙江富陽人俱萬曆四十六年任

彭應虞

湖廣人

于穎

胡應辰

廣東博羅人天啟六年任

耿觀文

南直隸當塗人崇禎二年任

俞咨益

錢光頤

周維新

管席之

待菴直隸長洲人

楊葵

子常直隸常熟人

儲邦輔

沈應泰

華一科

欽天授

王梓偉

崔騰泰

直隸宣城人

本朝

順治二年吏部題設
教授一員訓導二員

教授

余志行

江南如臯縣人貢
生順治二年任

陳端夏

福建福州府人貢
生順治五年任

徐廷錫

江南常熟人貢
生順治九年任

黃光宣

江南壽州人貢
生順治十一年任

徐位

安兩江南鳳陽籍歙縣人貢
生順治十三年任

楊日榮

江南廬州府人貢
生順治十五年任

周建鼎

裕齋江南潁州人乙未
進士順治十六年任

鳳表鼎 嘉士 順治十六年 丑
 謝日榮 主 順治十五年 丑
 林廷應 主 順治十四年 丑
 余志許 主 順治十三年 丑
 黃大宜 主 順治十一年 丑
 汪涵王 主 順治八年 丑
 易象履 主 順治六年 丑
 許國禎 主 順治十八年 丑

訓導

嚴治徵

江南來安人貢 生順治四年任

俞執信

江南滁州人貢 生順治四年任

胡鍾煜

江南武進人貢 生順治七年任

汪涵王

江南徽州府人貢 生順治八年任

程震

江南徽州府人貢 生順治九年任

郝鍵

江南蕭縣人貢 生順治十年任

黃中亨

江南望江人貢 生順治十三年任

易象履

江南海門人貢 生順治十六年任

許國禎

江南邳州人貢 生順治十八年任

華亭縣儒學

明各縣儒學設教諭一員訓導二員

教諭

東宗葵

洪武年任

曹宗儒

洪武十四年任

陳思賢

廣東化州籍莆田人舉人廿四年任

胡儼

若思江西南昌人洪武二十年舉人累官南京國子監祭酒翰林院侍讀掌院事

張魯先

永樂年任

林輔

宣德年任

程完義

正統年任

陳章

成化年任

段讓

克恭山西人舉人成化年任

楊濟民

傅

羅瑩

楊潤

王友

陳日漸

弘治年任

黃秩

王文昌

張頌

王瀚

正德年任

張烜

陳徠

楊訓

汝學江西泰和人文貞公士奇玄孫有文行後遷黎山王府教授

李復性

許以明

陳師

浙江錢塘人舉人

楊本顯

王渤

龍慶雲

俱嘉靖年任

丁有周

湖廣武陵人舉人

陳三俊

張元貞

俱隆慶年

李本庶

孫枝華

丁世臣

王顯先

高夢說

黃九章

吳志管

徐汝晉

李官

韓偕甫

汪懋功

張楚培

林喬松

杜登益

俱萬曆年任

裘成德

天啓年任

凌夢暘

天啓年任

濮玄華

直隸崑山人舉人崇禎二年任陞泰安知州

楊文驄

龍友貴州貴陽人舉人崇禎七年任陞青田知縣

方國祥

南直隸崑山人舉人崇禎十三年任陞知縣

林□□

福建莆田人貢生崇禎十六年任以宿松訓導陞任

眭明永

直隸丹陽人舉人崇禎十六年任

訓導

胡鉉

金聲

朱武

錢震

李象賢

浙江台州人占籍華亭洪武初任後仕至鄞州同知按墓表各塾

李寬

處仁東平人占籍華亭洪武中任陞安遠知縣

謝南

萬權

袁凱

趙友同

彥如金華人占籍長洲俱洪武年任

盧楷

用端浙江上虞人膺迪有方滿九載遷祁門教諭致仕

陶為仁

沈彥

俱永樂年

張詠

姜熊

俱宣德年

胡穗

趙建 楊益 陳賓俱正統年 陸顯

袁充俱成化年 孫瑩 臧紀

陳亨俱弘治年 廖軼 何海 鄭朝美

張朝儀俱正德年 劉廷政 歐陽超 郭愷

王德懋 梁宥 高巒 鄧璿

周价 刁日章 姜光宿 杜倡

張宗業 夏璨 劉橫

許拱弘莊福建南安人 胡瀚川甫浙江餘姚人講學見稱于時

袁沛 張友舜湖廣衡州衛人累官按察僉事 俱嘉靖年任

陸幼廉 張鵬翮 葉奇方 彭汝文俱隆慶年

楊萬里 朱印 梁夢鼎道立廣東南海人舉人陞大庾知縣

錢訥 朱文韜 趙煜 張率祖

汪其璨 司表 陳英 史明良

邵繼稷 沈大觀 曹條 洪雲翼

孫繼芳 朱門 江東望 俞應乾

湯日望 蔡宋 顧謙服 呂飛熊俱萬曆年

徐弘祖 莫天瑞俱天啓年 繆肇祖 蔣克恭

王國選 王履冲南直隸崑山人

陳振藻南直隸常熟人貢生陞知縣 胡文光南直隸無錫人

張繼祿直隸人 沈□□浙江湖州人俱崇禎年任

...

...

...

...

...

...

...

...

...

...

本朝 各縣儒學初設教諭一員訓導二員順治十二年裁訓導一員


教諭

劉陞 江南廬州人貢生順治二年在陞江寧府教授

吳汪度 江南太倉州人貢生順治年任

王道光 江南金壇人舉人順治十年任陞福建平和知縣

凌質 江南通州人貢生順治十八年任



王啟長 江南全縣人
 吳玉英 江南太倉人
 陸 聖 江南武進人
 趙 麟 江南武進人
 趙 麟 江南武進人
 趙 麟 江南武進人

訓導

順治十三年分建婁縣本學訓導

呂于紹

江南崇明人貢

崔錦圖

直隸順天府人
順治三年任

江能容


江南海州人貢

張正邦

江南六合人貢
順治八年任

張聯極

江南淮安府人貢
順治十一年任



張維鏞

主訓導十一年任

張五

主訓導十一年任

何千齡

主訓導十一年任

韓

主訓導十一年任

婁縣儒學

本朝

順治十三年分華亭置婁縣以華亭儒學訓導改屬婁縣不設教諭

訓導

張聯極

江南淮安人順治十三年任

馮

瑄 江南長洲人順治十四年任

鄭之彥

江南滁州人順治十七年任

上海縣儒學

元

教諭

唐時措

縣人

湯植翁

方遇聖

毛夢雷

章服

朱以寧

于達

訓導

吳子文

明

教諭

張守中


尹厚

王文昭

王

驥

俱洪武年



[Faint, mostly illegible vertical text columns on the right page, likely bleed-through or faded characters.]

尹如恢 務厚江西泰和人正統年任

趙文正 三山人 郭儀

李義 夏 曜 太舉浙江天台人舉人陞九江教授 俱景泰年任

孫昇 孔易浙江餘姚人解元

李繼 陝西人 俱

孫潤 浙江慈谿人

彭申 宗嶽福建莆田人

涑英 浙江新昌人

李瀚 文卿廣東新會人

李朝贊 子卿直隸順德人

龔棠 廣西全州人

聞元奎 應明浙江鄞縣人 俱正德年任

鄒明魁 應乾四川宜賓人陞任知縣

聶曼 江西金谿人陞國子監學錄

葉朴 淳夫江西貴溪人舉人嘉靖八年任陞邵武知縣

文大才 湖廣人舉人陞知縣

楊元永 介夫浙江永康人

胡方禮 浙江山陰人陞壽州學正

方興邦 福建莆田人舉人累官至參議

黃洙 福建莆田人舉人陞通判

王弘兆 直隸固安人舉人陞知縣

姚本崇 福建閩縣人舉人陞知縣

袁希燦 江西峽江人陞紹興教授

梁拱辰 雲南曲靖衛人舉人陞江夏知縣

楊濂 四川巫山人解元

楊邦憲 湖廣巴陵人舉人陞遷抄察副使

徐廷龍 福建莆田人舉人陞歷嘉靖年任

陶性 湖廣彝陵人舉人陞歷歸德府同知 盧希曾 山西人

張應鳳 江西人舉人陞上海知縣 俱隆慶年任

張良卿 貴州籍陝西華亭人 葉茂中 浙江慈谿人

徐常吉 士彰南直隸武進人舉人萬曆八年任 登十一年進士歷任南京戶科給事中

朱禹臣

啓夏直隸吳縣舉人陞國子助教

鄒明良

爾賡直隸無錫舉人陞翰林孔目

吳道昭

懋中廣東南海人舉人萬曆十九年在陞沙縣知縣

成心學

直隸無錫人舉人陞浦江知縣

凌子伍

陞龍泉知縣

吳良輔

四川人登萬曆三十二年進士官監察御史

黃居中

明立福建晉江人舉人陞南京國子監監丞

王建和

乾純直隸貴池人萬曆四十四年進士

趙廷策

用我直隸太倉人俱萬曆年任

王

制湖廣京山人陞知縣

沈德光

浙江秀水人陞國子監學錄

嚴覺

浙江湖州人舉人陞巢縣知縣

趙大成

直隸順天人舉人俱天啓年任

鄭應柱

直隸徽州人舉人

鍾鴻穎

海樑浙江海鹽人舉人陞

唐起鳳

浙江湖州人舉人

陶鑄

浙江烏程人舉人俱崇禎年任

訓導

顧或

孔文本縣人累官戶部侍郎

顧達

黃猷

成章人俱洪武年任

劉鐔

趙永言

王鳳

李敬

黃巖

徐研

俱正統年

詹滌

姚埴

尹古

呂珍

劉世傑

江震 浙江錢塘人

程良杰

陳元祿

盧繼明

陳德隆

管藍

俱天順年

劉愷

江西安仁人

司馬學

貴州晉安人

任朝璉

宗器

劉

昱

景陽

潘得春

河南雒陽人俱弘治年任

趙繼宗

山東曲阜人

吳潤

時雨

林澤

浙江鄞縣人

李聰

江西盱江人

劉光

景美

盧德淵

直隸通州人

蘇子受

廷謙 陞知縣

吳山

仁重 陞知縣

趙价

四川南江人 陞知縣

翁泮

福建莆田人

丁子英

浙江臨安人 陞教諭

伍超

汝冠 福建晉江人

談文惠

元翊 直隸順德人

吳景

廣東瓊山人

潘廷璽

浙江餘杭人

劉止

直隸保定人

周易

江西貴溪人

趙邦端

福建建陽人 陞仁和教諭

易信

江西分宜人 陞崇安教諭

陳植

浙江慈谿人

劉亨

廣西桂林人

梁梅

山東臨清人 陞鎮源教諭

繆希彤

陞扶溝教諭

向敷

浙江慈谿人

黃照

浙江秀水人 陞王府教授 俱嘉靖年任

潘一鶚

浙江海鹽人 陞滬陽教諭

陳亮采

浙江海鹽人

程汝賓

俱隆慶年任

易道南

湖廣興國人

楊尙亨

江西南昌人

朱寅

浙江仁和人 陞開化教諭

鄭儒

子珍 浙江德清人 陞連州學正

洪儀

中立 直隸欽縣人 陞寧德教諭

劉中孚

汝化 直隸鹽山人

楊潤

子玉 四川巫山人 教諭 濂弟

張問政

德甫 直隸崇明人 萬曆十八年任

徐文

伯傳 直隸長洲人

朱履恭

安之 直隸涿州人 萬曆二十四年任

張漸

元升 直隸無錫人 萬曆二十一年任

許一純

貞白直隸欽縣人
萬曆二十五年任

李時教

述之直隸
鳳陽人

范遇

振雅直隸
靖江人

沙中孚

紹園直隸
長洲人

楊侗

四川南充人
歷陞杭州通判

周政孚

直隸常
熟人

吳道盛

直隸宜
興人

汪宗伊

直隸繁昌人
天啓年任陞天柱教諭

彭紹先

直隸亳州
人陞知縣

章繼昌

直隸和
州人

白燦然

陝西延安
府人歲貢

王家慶

直隸崑山
人陞教諭

王夢豸

陝西人
歲貢陞教諭

張魯傳

直隸崑山人
歲貢陞知縣

劉惟澤

直隸安慶人
歲貢陞教諭

張師載

直隸嘉定
人歲貢

毛穎

直隸太倉人
歲貢俱崇禎年任

上海縣儒學題名記 古者帝王建國君民教學為先而必崇師儒之選大都師道立則賢材衆多而治理登

闕師道不立則教化陵遲而王路阨蘗載諸典籍班可覽而睹已我國家稽古圖治首先庠序之事申布功令詳延鴻碩以為學師儼然諸生之上與古帝王崇儒重道其揆一也上海吳會輿區舊為鎮自元至元間始置縣縣始置學以入我明涵濡菁莪樸棧之化文物聲名斌斌盛矣而學師姓名不錄無所攷見非缺典歟萬曆庚辰秋余同年友徐君常吉來署教事講藝修業端本植範籍甚有聞而分教洪君儀鄭君儒協恭師席以風勵諸生斐然向風癸未之春徐君擢第南宮入對大廷留陟華省人有去後之恩洪君鄭君迺因羣心礪石立碑并攷在昔學師凡若干人合而鑄之補曠代之缺典昭同文之大義蓋盛舉也而請余文紀其事將以鑒往而詔來余不佞聞之傳曰天生時而地生財人其父生師教而君正用之故師之名與天地君親埒一何尊也晚近世為師者往往自居侏卑而人亦不以嚴事之與他吏冗散等爾此何以故無廼襲師之名而未盡師之道乎藉第令人師毅然以師道自在取古帝王典籍所載與今功令所布日與諸生講肄而砥礪浸灌之非六藝之譚不出諸口非五常之懿不措諸躬則經術可明人心可正而士習一變至道矣如是而崇鄉里之化

本江府志 卷之三十一
人皆有所觀摩務學修行孝弟忠信之風歛然民俗可歸於淳矣諸生丞丞嚮用信守師說出入不倍所聞大者彌亮天子翊贊化機為師傳卿相小者展采錯事奔奏自效稱良吏勞臣勳猷著於巖廊惠澤被於城寓後之人將按其名而歆言之曰夫夫之為先生造士之盛也如此夫夫有功於世教民生也如此則斯碑可垂不朽而無忝於在三之重不亦臚歟余學之諸生也竊附忠告之義俾來者得覽觀焉邑人潘允哲撰

本朝


教諭

張可瞻 湖廣黃岡人副榜 貢順治二年任

高 遇 江南金壇人丙子舉人順治五年任陞韶州府推官

楊名陞 江南巢縣人歲貢 許三奇 江南江浦人歲貢 順治十四年任

曹 忱 江南宜興人拔貢考授知縣 告改教諭順治十八年任



煥備

本原

訓導

屈鳳翔

江南陽山人歲貢順治二年任

毛詩雅

江南和州人歲貢順治二年任

吳士彥

江南鳳陽人歲貢順治十年任陞教諭

王汝礪

江南宿松人歲貢順治十年任

青浦縣儒學

明嘉靖二十一年建縣立學設教諭訓導各一員
二十二年罷萬曆元年復置縣立學設官如初

教諭

黃南金 浙江安吉人嘉靖二十一年任

毛標 浙江西安人歲貢萬曆二年任

胡嘉言 浙江西安人歲貢萬曆四年任

易之貞 湖廣蘄水人舉人萬曆七年任

余恒祿 江西都昌人選貢

黃用賢 直隸常熟人舉人

凌堯倫 直隸歙縣人舉人萬曆十四年任

詹道溥 江西金谿人舉人萬曆十九年任

邵燾 直隸全椒人選貢

趙之德 河南偃師人舉人

陳文龍 直隸無錫人舉人萬曆二十四年任

毛文煒 直隸蘇州人舉人萬曆二十八年任

汪康謠 直隸休寧人舉人萬曆三十年任登四十年進士

嚴思曾

直隸江都人歲貢

費思周

浙江秀水人歲貢

方一敬

澹思直隸歙縣人順天春

王曆昌

伯發直隸金壇人舉人萬曆

林一奇

拙若福建漳州人壬子舉人

時懋順

直隸嘉定人壬子

張益慶

直隸宛平人壬子

黃名世

福建莆田人辛酉

王佐聖

直隸長洲人壬子

劉樵

雲南趙州人癸酉

王善繼

直隸寶應人壬午

訓導

黃璋

嘉靖二十三年任

劉文燦

福建莆田人嘉靖二十五年任

陳舜賓

廣東曲江人選貢

蕭文明

湖廣江陵人歲貢萬曆四年任

王維翰

直隸武進人歲貢

朱篚

浙江海鹽人萬曆十年任士有遺思

范垣

福建甌寧人歲貢

柯良棐

直隸懷寧人選貢

楊廷芳

直隸泰州人歲貢

汪瀾

直隸安慶人歲貢

王顯德

直隸海門人萬曆三十二年任

王憲基

浙江湖州人萬曆三十五年任

劉永清

直隸沛縣人萬曆三十六年任是歲大水官解沮如柱冠而去

朱家桂

丹臺直隸睢寧人萬曆三十七年任

張應登

純吾直隸丹陽人萬曆四十二年任

王建中

直隸武進人

陳紹益

直隸江都人天啓年任

江東賢

望海直隸當塗人天啓六年任

徐光顯

直隸宣城人崇禎五年任

徐日隆

直隸宣城人崇禎九年任

蔡璠

直隸吳縣人崇禎十二年任

郭立

直隸潁州人崇禎十六年任

蔣 立

順治十六年任

俞 日新

順治十八年任

王 東賢

順治十八年任

王 象中

順治十八年任

朱 崇珮

順治十八年任

王 謙齋

順治十八年任

王 謙齋

順治十八年任

王 謙齋

順治十八年任

王 謙齋

順治十八年任

王 謙齋

順治十八年任

蔣 立

順治十八年任

俞 日新

順治十八年任

王 東賢

順治十八年任

王 象中

順治十八年任

朱 崇珮

順治十八年任

王 謙齋

順治十八年任

王 謙齋

順治十八年任

王 謙齋

順治十八年任

王 謙齋

順治十八年任

國朝

教諭

劉 炳

江南上元人貢
生順治二年任

康 愨


江南潁上人貢
生順治九年任

謝再玄

江南宿州人歲貢
順治十五年任

陳覺先

江南崑山人順治三年
年舉人十七年任



謝登夫 平海人 十一年任
 楊再定 順治十七年任
 王秉彝 江南和州人 歲貢 順治十年任
 楊開第 江南定遠人 歲貢 順治十七年任

訓導

唐澹 江南舍山人 貢 順治二年任

楊開第 江南定遠人 歲貢 順治十七年任

王秉彝 江南和州人 歲貢 順治十年任

金山衛學

明 正統四年立學設教授一員訓導二員

教授

張

濂成化中任

翁興賢

羅衣

任喬峰

趙元良

高冠

張天爵

曹滌

李持身

蔡朝諫

單澧

蔣天祐

褚應訓

錢夢麟

夏宜註

王晉之

濮陽景昭

張鵬翼

訓導

傅

鴻

騰霄貢生正統四年任

陳師輿

興化人正統四年任

梁元 善長天順年任

歐陽法 成化年任

任遵道 凌養浩

婁旻 鄭之麟

喬遷高 黃卷 周應禾

李林良 蔡厚廣 單獻 郭天師 王...

欽元貝 高 斌 張天額 曹...

張 中 孫 徐興復 羅...

趙 中 孫 徐興復 羅...

趙 中 孫 徐興復 羅...

趙 中 孫 徐興復 羅...

國朝 初設訓導一員後止以府學訓導署事


訓導

周秉維 馮象堅 以下俱府訓導署事

何鍾煜

程震 黃中亨

松江府志卷之三十 終





野 徵 黃中

以 象 孫 淵 泉 聖

一 節 聖

松江府志卷之三十一

松江府志卷之三十一

名宦

守令有題名矣履歷存勸戒昭矣然而勸者非徒以其名而化導旬宣與有功于疆場者類也故具錄其行事如左顧志宦必有蹟也存其蹟以實其名不獨守令凡有蹟於茲土者得並列焉非徒以勸也亦曰茲土之人猶有今日者皆諸君子貽也

吳一人

伍員字子胥楚平王以讒殺其父伍奢員逃于吳卒報楚

仇以忠諫歿華亭胥浦塘子胥所鑿故名自長泖接界涇而東盡納惠高彭港處士瀝瀆諸水一郡北流入浦之要津也漢唐有子胥廟

楚人一

黃歇楚人也烈王卽位以爲相封春申君賜淮北地十二縣後十五歲歇請獻淮北地而封于江東王許之歇因城故吳墟以自爲都邑治水松江導流入海今黃浦是也因其姓以名之亦曰春申浦

漢二

李君更始五年爲守治東倉爲婁縣屋

見越絕書

顧雍字元歎吳郡吳人州郡表薦弱冠爲合肥長後轉任婁令有治迹爲會稽丞行太守事數年入爲左司馬累遷大理奉常領尚書令封陽遂鄉侯黃初四年改爲太常進封醴陵侯代孫邵爲丞相平尚書事赤烏六年卒

晉二

虞潭字思奧會稽餘姚人吳騎都尉翻之孫宜都守忠之子也清貞有檢操以軍功賜爵都亭東鄉侯歷宗正卿會稽內史徵拜尚書進零陵縣侯蘇峻反潭守吳興加督三吳晉陵宣城義興五郡軍事與郗鑒王舒協同義舉陶侃假潭節監揚州浙江西軍事峻平轉鎮東將軍吳國內史

松江府志 卷之三十一
以前後功進爵武昌縣侯徙會稽內史未發還復吳郡時
軍荒之後百姓饑饉死亡塗地潭表出倉米賑救又修滬
瀆壘以防海鈔百姓賴之咸康中進衛將軍卒贈左光祿
大夫謚孝烈子仡嗣

袁崧陳郡陽夏人瑯琊太守方平子嗣長合侯少負才名
博學有文章著後漢書百篇襟情秀遠善音樂歷顯位出
爲吳郡太守孫恩作亂吳會承平日久人不習戰所在多
破亡吳國內史桓謙出奔崧築滬瀆壘緣海備恩明年恩
復入浹口轉寇滬瀆崧遇害其部人海鹽李祥突白刃收
崧歸葬

陳志云松江舊志誤以山崧爲崧按史無崧傳附見于
袁瓌傳中曰山崧陸文裕深曰崧不列死事且二其名
蓋諱之也今仍顧志

齊人

祖冲之字文遠范陽薊人也稽古有機思宋孝武使直華
林學省賜宅宇車服解褐南徐州從事公府參軍始元嘉
中用何承天所制歷冲之以爲踈更造新法孝武令朝士
善歷者難之不能屈會帝崩不行歷位爲婁縣令謁者僕
射入齊轉長水校尉領本職永元二年卒年七十二

梁人

陸慶吳郡人少好學知五經尤明春秋左氏傳節操甚高
釋褐武陵王國右常侍歷征西府墨曹行參軍除婁令值
梁季喪亂乃覃心釋典陳天嘉初徵爲通直散騎侍郎不
就永陽王聞其名欲與相見固以疾辭鄱陽晉陽王俱以
記室徵並不就

陳

人

殷不佞字季卿不害弟也少立名節以至孝稱好讀書尤
長吏術仕梁起家爲尚書中兵郎承聖初遷武康令時兵
荒饑饉百姓流離不佞循撫招集襁負至者以千數陳高
祖受禪起爲戎昭將軍除婁令有惠政如武康時

唐

人

趙居貞彭城人國子祭酒冬曦之弟天寶九年自揚州長
史遷吳郡太守以嘉興海鹽地廣奏并割崑山置華亭縣
蘇籥宰華亭在官簡惠蒞事公正

包某延陵人德宗時宰華亭闢田野增戶口均賦愛人顧
况常記其廳事之壁

按陳志以爲包何當以其延陵人而與顧著作同時然
廳壁記不見名字未有確據今從顧志闕疑

張聿邗人宰華亭治政凜然民吏有犯初必恕之許以
自新書姓名罪由于籍名定命錄再犯必舉籍勘照杖之

凡有府吏賦外之需量力受數直榜邑門曰府以某事下
縣索某物若干期某日齊足縣以辭泛數承實目事不虛
張期必前辦應縣管百姓各自度量戶口輕重較筭分釐
早急送官庶免出吏胥施杖罰民感其誠供輸絡繹無違
拒者人指揭示爲赤心榜嘗有猾儒以干乞爲業入其界
聞耕者歌曰華亭君子來及幾時老稚免疾苦遠近無渴
饑安得九重天子知儒曰此政不可撓也遂抵他境

宋

二十九人

劉惟一天禧初任華亭縣時學舍未立介於梵刹惟一始
遷於縣治之東陳執古有遷學記

葉清臣字道卿長洲人宋進士以策擢高等自清臣始授
太常寺奉禮郎旋知秀州寶元初爲兩浙轉運副使時盤
龍滙爲患醜爲新渠道直流速其患遂弭又建議疏滬瀆
入於海民賴其利清臣天資爽邁遇事敢行數上書論事
陳九議十要五利皆當世可行者有文集一百六十卷

錢貽範彭城人慶曆間知華亭縣講求民間利病皇皇如
不及調度有章能行所聞而竟其功時康定以來歲旱頻
仍貽範議開顧會浦以時蓄泄萬民賴之詳章峴記

吳及字幾道靜海人年十七以進士起家爲候官尉累遷
太常博士皇祐間知華亭時浙西旱蝗蘇秀尤甚及禱於

橫山之神天既大雨蝗亦避境至秋大稔乃教民預修水利以待溼潦明年大水而阡陌堅完溝洫通利復稔如初比三年家給人足風俗歸厚歌誦滿路及去父老悲啼攀留不得進至空一邑隨之其後四十餘年猶思之不置初及在官嘗作亭於西湖名曰環碧後令劉鵬因民之思改曰思吳

沈遼字敬達杭州錢塘人翰林學士遼之弟自幼挺拔不羣長而好學因兄任監嘉州酒稅熙寧初爲審官兩院主簿初受知王安石及安石當國更張新法遼與論事不合罷去久之以太常奉禮郎監杭州軍資庫轉運使使攝華

亭縣他使者有宿憾思中以文法因縣民忿爭連及下獄奪官流永州更赦徙池州築室齊山上名曰雲巢杜門隱几爲文章雄奇峭麗與蘇軾曾鞏黃庭堅以詩倡酬竟不復仕

李餘慶字昌宗連江人判秀州境多鹽盜餘慶作華亭海鹽二監俾業鹽者歲入常緡以杜私販又爲石隄自平望至吳江捍除水患至今賴之

李夔字斯和其先江南人唐末避亂徙邵武家焉元豐二年進士調秀州華亭尉轉奉議郎除江淮荆浙六路制置發運司勾當公事不赴改授僉書平江軍節度推官常攝

郡事適累政因循之後款繫甚衆夔命數吏分條所犯不日皆決遣之官至京西南路安撫使子綱維綸綱生於華亭之官舍高宗時爲名相贈太師衛國公

郭三益字慎求海鹽人家義興琛之子也元祐三年進士爲常熟丞常平使者調蘇湖常秀四州之人瘠青龍江分地程役三益所部前期告辦使者留之俾助他邑不如期者三益卽引所部歸使者怒檄追甚急其母周氏謂三益曰青龍之役連數郡其分地程役賦廩食宜皆已上聞今我先畢何名復役之使者倘再思行且悔矣雖然汝不可無會第無以所部從也三益如教已而使檄止丞勿來事

亦遂已

劉鵬彭城人元祐四年爲華亭令甫下車卽修庠序立教誠以至簿書期會各有條理在官不旬日一境告治作絃歌堂三山亭良閣於縣齋之東以吳及所建環碧亭爲思吳堂從民望也

毛漸字正仲江山人舉進士紹聖中爲兩浙轉運副使浙部水溢詔賜緡錢二百萬以賑之漸言數州被害卽捐二百萬儻仍歲如之將何以繼乃按錢氏有國時故事起長安堰至鹽官徹清水浦入於海開無錫蓮蓉河武進廟堂港疏常熟涇梅里入大江又開崑山七耳茜涇下張諸浦

東北道吳江開大盈顧漚柘湖下金山小官浦以入海自
是水不爲患

毛滂字澤民江山人夙有文譽蘇軾薦之政和間守秀州
郡風雅和惠吏民懷之有東堂集載松江雜咏又有金山
寒穴泉銘官至祠部郎

姚舜明字廷輝越州嵊縣人政和間知華亭縣以元豐元
符斷獄制書揭之獄府治西偏葺琴堂爲聽政之所宣和
初改知崑山欽宗朝爲御史僞楚時挺節不污南渡後至
戶部侍郎卒贈太師

王珏字德全臨川人荆公安石孫也紹興二年起家鹽官

丞方年壯累行令事邑人安之秀州歲以錢給亭民煮鹽
至十五年積十九萬七千餘緡不給民訴於朝除珏提舉
浙西茶鹽逾年盡償亭民且贏鉅萬開華亭瀕海河二百
餘里鹽滋得流通且資以溉田經界法行甚害者三百六
十餘事其七千二百餘戶爲尤病珏奏除之兼提點刑獄
未閱月正大辟重而輕者三人死而生者五人移河南提
舉官至直敷文閣太府少卿卒於橫山之私第
龔相字聖任歷陽人兵部侍郎原之孫父澈通判江寧府
相紹興間知華亭縣甚著聲績遂家吳中子頤正有文名
嘗著中興忠義錄續釋常談皆行於世

劉穎字公實衢州西安人紹興二十七年進士歷官知鉛山常熟二縣常熟素煩劇穎降心條理政聲籍甚王佐薦之召監進奏院歷太常丞兼兵部郎官提舉浙西常平疏澗山湖以洩吳淞江二水禁民侵築母使逼塞大流民田賴之終寶謨閣直學士
黃瑀字德操閩縣人紹興八年進士初任爲饒州司戶參軍歷官兩浙轉運司幹辦公事權秀州華亭縣歲凶瑀白常平使者請發廩以賑使者以當俟奏報難之瑀曰民命在旦夕苟可以生之雖得重罪不悔退卽發粟賑給全活者萬計吏部侍郎汪應辰等交薦除御史臺檢法官旋擢

監察御史子杲登進士

顏師魯字幾聖漳州龍溪人紹興中進士歷國子丞除江東提舉改使浙西役法敝甚細民至以鷄豚罌榻折產力遇役輒破家師魯下教屬邑預正流水籍稽其役之序寬期會免代輸咸便安之鹽課歲百鉅萬本錢久不給亭竈私鬻禁不可止刑辟日繁師魯搏帑緡盡償宿負戒官吏毋侵移視旁路課獨最高宗謂執政曰儒生能辦事如此予職直視閣入爲監察御史終龍圖閣直學士知泉州劉俟字碩翁總角日誦千言爲文操筆立成登紹興三十年進士改秩知華亭邑版賦窄貸諸豪民豪民撓政前

令少善去俟謁臺府願寬假三月乃治酒政損關征不三月課入自倍逋賦以償剖決若神豪猾皆斂手並海有秦山鹽鐵蚌港三堰不治被旨督作早夜露處灌田六萬畝守以圖奏孝宗大悅亟加褒賞繕華亭海堰禁邏兵胥吏擾沿海民船事皆施行改知岳州有異政民生祀之李遵字叔周監秀州華亭稅又監秀州酒被檄視潦舟行民田中所至日監司圭田也吏不敢以潦聞遵曰水潦爲患上供且應復况圭田乎盡復其租常平使者聞而竒之又復視經界躬行田畝高下定賦悉得其均士民德之楊樗年字茂良丹徒人初監行在草料場以京秩薦秩滿

班見改知秀州華亭縣華亭賦重歲饑民不堪命乃盡蠲賦入之無藝者以私帑代輸提點刑獄司檄繫平民十餘爲強盜廉得其情卽釋之吏請須報公曰民以盜繫少稽則生理蕩矣吾寧以故縱獲屐母使吾民之及此也境多黃雀醢之以媚貴要歲且百萬乃下令嚴採捕之禁他如修學以養士開河以利農爲梁以濟涉往往縣計不足則以俸入繼之代期未盡一月使者撫細故論罷邑人寃之御史陳賈諫議大夫謝諤交章訟其事有旨擢通判揚州終朝議大夫

孫峴字舉善以詞學擢第官中書舍人淳熙初爲浙西提

舉以措置支還亭戶本錢及增賣鹽袋興修水利有功除直敷文閣兩浙轉運判官

羅點字春伯撫州崇仁人六歲能文淳熙三年擢進士第一繇校書郎除浙西提舉規畫荒政凡數十奏躬行畝畝實惠甚博先是崑山華亭之間有澱山湖洩諸水道戚里豪彊之家占以爲田水繇是壅點廉得其實奏請開濬且爲圖以獻上從其言百姓勇於赴功不日而畢所濟田百萬畝點孝友端介不爲矯激或謂天下事非才不辦點曰當論其心心苟不正才雖過人何足取也官至簽書樞密院事卒贈太保謚文恭

姜詵爲兩浙轉運副使隆興中浙西水溢民大飢詵相地便宜卽張涇堰傍增庫爲高築月河置閘其上復浚河自斡山達青龍江口二十有七里邑民德之相與立石以頌許克昌有記

章帖字伯望爲兩浙轉運使有威名會暴風湖海湧沸民之近湖濱海者如海鹽華亭吳江多遭漂溺帖遣吏所在巡視賑卹請蠲田租人不失所後改知蘇州

丘宥字宗卿江陰軍人隆興元年進士第三人除國子博士乾道中丞相虞允文薦其才遷太常博士知秀州時葺亭捍海堰廢鹹潮歲入壞並海田蘇湖皆被其害宥奏劾

築三月堰成蘇湖秀三州斥鹵復爲良田除直秘閣知平
江改兩浙轉運副使累官同知樞密院事卒謚忠定

徐誼字子宜一字宏父温州人乾道八年進士累官太常
丞知徽州移提舉浙西常平嘗論水利之切於時者曰昔
下流不䟽而水上溢故鑿直曲港還三江故道開宜興百
瀆所以順導下流也惟高原曲徑乃瀦堰之爾昔之言水
如單鍰郊亶皆是也今開吳淞江下流與宜興百瀆屬之
海者無慮數十百所異時浦港磬折以趨海今近浦之民
多取徑直蘇湖常秀舊爲澤國比年雨或後至種且不入
蓋圍田衆而䟽導多也小人見利不畏其害圍於淺水旣

爲高田圍於菱蕩旣爲稻田二俱不已復有下脚始之重
陂大半爲平始之良田背水自曬十日不雨農廢作業然
且承用舊說又將䟽之失利害之實矣故舊田溝澮當濬
治圍田下脚無輒開已開未填當捺合今之言水者能行
是三說則高原舊田還爲衍沃而農不病矣入爲吏部郎
守右司郎中寧宗朝歷知臨安建康隆興三府嘉定元年
有星隕州之南明日七月朔卒謚忠文

林藏字子禮吳人舉進士乾道中爲浙東提舉常平五年
知秀州所至有善政華亭諸邑賴以安撫博學多才尤長
於漢隸

汪文振字子泉休寧人淳熙進士調黃州教授除司農少卿直寶謨閣提點浙西刑獄時旱蝗民飢縣督通貨操下急文振錄囚夜至華亭得四百餘人悉釋去俟秋償檄諸邑如之民藉以活告老進直煥章閣主管冲佑觀

詹體仁字元善建寧浦城人少有異材鄉舉第一弱冠第進士歷泉州晉江丞宰相梁克家薦爲太學錄歷遷太常丞攝金部郎中光宗卽位提舉浙西常平務爲民除害興利謂浙右之有漕渠非止通饋運資國信往來而已蘇秀常潤田之高仰者實賴之於是開漕渠浚練湖置斗門爲旱潦備又以餘力立舉子倉創安濟院所活甚衆散鹽本錢數萬紓華亭之力歲終課利增羨除戶部員外郎終大常卿體仁常言居官蒞民盡心平心而已盡心則無媿平心則無偏世服其確論云

徐民瞻西安人慶元間知華亭縣訪問疾苦表章先賢嘗買國子監書以惠鄉學爲堂於學之東廡繪陸氏機雲像俎豆其中顏其堂曰二俊并序其集壽之梓又以參政錢良臣竭力建學新其祠宇爲文記之

錢聞字子言漂陽人嘉泰二年知華亭縣縣舊有僧子韶學田一千八百九十三畝租六百八十三石爲豪民侵占請於守鍾必萬復之因以修治學宮一時煥然郡人林至

爲之記

趙彥啟字彥和嘉定中監青龍鎮稅重建鎮學養士百里之間絃歌相聞風淳俗美兵部侍郎杜孝嚴以彥啟有官不顯有民不多而所知者本所務者大特爲文以記之楊瑾字廷潤會稽餘姚人紹定五年監華亭稅明年嘉興守趙與言辟置幕下掌抄撩田圍事詭匿盡露遂攝華亭蠲胥吏白納錢寬民戶積欠弛酒稅無藝之征吏民大悅請於朝遂使卽真於是修經界立義役遷廟學政事一新前令所不能辦者瑾處之沛然有餘父老謂建邑以來未有也遷平江別駕送者寘路省臺上聞遂登雄要今祀於

先賢祠

孫子秀字元實紹興餘姚人紹定五年進士調吳縣主簿有妖人稱水僊太保知府王遂將使治之莫敢行子秀奮然請往焚其廬碎其像沉其人於太湖曰寶汝水仙之名矣妖遂絕日詣學宮與諸生討論義理辟淮東總領所中酒庫歷知衢吉二州開慶初爲湖西提舉常平先是丞相丁大全以私人爲之盡奪亭民鹽本錢充獻羨之數不足則估籍虛攤一路騷動亭民流亡子秀還前鹽本錢五十餘萬貫奏省華亭茶鹽分司官定衡量之非法多取者於是流散復業徙浙西提點刑獄曷暑周行郡縣獄爲之清

後知臨安府改婺州卒

姚憲字令則以父舜明任補海鹽丞惠利及人後知秀州
土豪錢安國舍匿亡命爲奸盜州縣莫敢詰憲擒之并其
黨悉置於法焚其巢穴州里遂安大水民飢華亭諸邑尤
甚憲請輸粟萬斛以賑朝廷賜書獎諭除提舉浙西常平
累官叅知政事

施遐翁山陰人淳祐間任華亭縣以風化爲已任作興學
校重建講堂改創齋廬中置詠仁亭後爲觀頤堂七月告
成不擾民賦華文閣直學士王遂記其事畧云施君治化
修明民安其政既庶而教人謂之實錄云

董楷字克正天台人以通經入仕咸淳中提舉松江府市
舶分司上海鎮愛民養士號稱循吏津梁解宇多所建置
馳名海外去官之日民遮臥道上不忍其去

黃震字東發慶元府慈谿人寶祐四年進士調吳縣尉府
檄攝其縣及常州華亭皆有聲在華亭請罷茶鹽分司及
論鹽場利害尤悉又以華亭水鄉大究塞泄之法申府論
修田塍萬民賴之提舉常平王華甫辟王管帳司文字時
知平江朱熠常州錢庚孫嘉興吳君擢皆倚嬖待厲民華
甫病革強起劾罷三人震贊之也後通判廣德軍紹興府
知撫州皆有政績終浙東提舉常平居官恒未明視事事

至立決自奉儉薄人有急難周之不少吝所著日抄百卷
卒門人私謚文潔先生

孟文龍字震翁鄒國亞聖公後宋昭慈后五世從孫初以
世賞補將仕郎後中銓試授迪功郎監華亭船塢再調兩
浙西路安撫司准備差遣時賈似道枋國百僚悉噤法守
文龍守職不少回丞相章鑑樞密趙順孫交薦上不報咸
淳以來被命主昭慈祀事元兵壓吳與守臣議不合遂反
哭昭慈廟後平章史弼等列薦起之文龍致書以死辭遂
止晚年著易解大全其學得於臨邛高斯得門人稱曰潛
心先生子潼字宗鎮舉茂才由教授歷任有司以松江府

判官致仕嘗即故居建鄒國公祠創性善家塾以教族黨
之子弟焉

元三十
七人

呂謙字和之亳人元初從丞相伯顏南征所至不殺謙實
贊之宋平求糧二千石以惠黎民詣省白狀發粟賑之民
活數萬久之卽拜謙懷遠大將軍鎮守上海當春勸農召
父老謂曰善牧羊者先去敗羣善治民者先除民病由是
里胥畏憚境內大治

沙全色目人至元南征積勲爲千戶分戍華亭雅敬邑士
衛謙時鹽卒煽亂逼城全方率兵勦擊一夫持矛躍出壞

垣間幾中全騎全大疑邑民將上行省悉殲之以謙開譬
事遂寢明年縣陞府遷爲總管仍障戍府更號松江復名
抄兒赤陞鎮守松江管軍萬戶府達魯花赤珮三珠虎符
子孫世襲代有科名咸以爲慎殺之報

高仁字壽之少以材推擇爲吏歷官江浙行中書省左右
司員外郎數捧省檄行旁近郡以丹陽金壇故有公田虛
額請悉蠲之而取他羨田補其入又以松江東鄉水利久
廢田不宜稻請去故所賦米而用土產菽粟代其輸事皆
施行兩郡便之

劉宣字伯宣太原人由中書省掾爲河北河南道行勸農
副使至元十二年入爲郎中從伯顏及平章阿木平江南
贊畫居多除知松江府未幾同知浙西宣慰司事在官五
年威惠並著以籍阿合馬縱其奴婢去爲民復以集賢學
士除行臺御史中丞江浙行省丞相忙古臺悍戾縱恣常
慮臺臣糾之尤忌宣因嗾其黨誣以事遣官鞠問宣就逮
自剄於舟中宣忠義節操爲世所重時皆悼之

趙知章字伯常睢陽人以淮西道廉訪副使遷同知兩浙
都轉運鹽使司至元間兩浙鹽稅計引四萬寢至四十八
萬松江十萬有奇民大困知章分司松江以廉律已諭富
者出財貧者傭力財力相資以集大課亭田歲有科糧爲

請於省留以活亭民之飢者萬四千一百十二口人尤頌德焉

燕珪以父公楠蔭仕松江知府有政聲趙孟頫程鉅夫皆薦之除大司農領八道勸農營田司務事按行郡縣興利除弊遷湖廣行省右丞終於京邸敕命朝臣護喪南歸所過官司祭奠天下榮之

僕散翰文字行之至元末來知府事奏析華亭東北爲上海縣請以府直隸行中書愛民如子秩滿歸民匝道嗟涕翰文亦泣下爲鞞轡安行以謝送者

張之翰字周卿邯鄲人別號西巖至元末自翰林侍講學士來知松江府事有古循吏風歸附後民苦荒租額以十萬計之翰偕達魯花赤麻合馬赴省力陳其弊咸除之嘗新府治建西湖書院在官著述甚富有西巖集三十卷後以疾卒于官民追思之

燕只吉臺徹理才畧兼人恒以匡君經國自期積官至榮祿大夫平章政事成宗初拜江南諸道行御史大夫得風紀大體改浙省平章政事其治如臺門無私謁以轉粟京師多資東南居天下什六七而松江填淤歲久富民利之當水出塗築爲圍田以故瀾湯浸灌沮洳廣遠民不可稻乃發卒數萬浚決隄石隄之導水入海使復其故身自董

本江州元 國朝卷之三十一
役經時而成民得良田若干萬頃至今賴之召入平章中
書贊右丞相薨年四十有七蓋棺之日楮緡不滿二百債
券多至十萬大臣清貧無與比贈徐國公謚忠肅
石從愿大德間自翰林來知府事明敏果斷郡無冤民代
去兒童連袂歌好知府

季祿兒至大間爲知府交篆日叱散城中捕蝗吏民胥鼓
舞稱快性廉貞豪民有懷金贄見者竟送爲官物人稱曰
真清太守尋丁內艱哀號擗踊一夕頭爲白喪除乞終身
廬墓已而朝廷奪情起爲嘉興路治中

王珪至大間任上海縣丞建學校抑豪右伸孱弱政績藹

然人多頌之

申杲字良輔真定人皇慶壬子知松江府以忠信仁厚爲
治隨事悉心百廢具舉未滿考召同僉崇祥院民思之不
忘濟南張養浩撰去思碑具載其事從子秉禮字彥魯元
統癸酉知本府亦有善政士民刻石頌德謂之棠陰碑
張國英字世傑延祐間尹華亭有威名而敏于政時郡將
恃世守陵轍有司欺細民其蒼頭廬兒日游街曲謔浪譏
訶民婦弗敢避國英以法制之民藉以安時與李廷傑西
漢傑稱三傑云

張如砥字周道濟南人始爲舞陽洛陽尹及來治上海潔

已愛民有民負人租以嬰兒病死訟某菴僧索租毆死如
砥曰不毆爾而毆嬰詐也叱使去民不肯行乃呼獄卒引
民詣獄而謂之曰某以人命染人某以故殺子孫汝勿改
亦猶是也民遂戚然去延祐丙辰秋浙西大水壞禾稼冬
行省詰縣徵其賦如常如砥力爭之明年春大饑復訴于
省發粟賑濟大行勸分之令全活甚衆以清惠聞擢陝西
行臺監察御史

鄧巨川字百川真定人至治初爲上海丞建言縣之苗糧
改科爲豆麥民被其利顧自語人曰改科皆郭八都刺公
平章江浙深知民病適進中書故從斯請予何力焉仕至

禮部尚書致仕

汪從善字國良婺著姓父斌徽國公從善以奉訓大夫典
瑞監丞陞中順大夫宣德府知府丁徽國艱服闋特旨除
松江兼勸農事仍命提調普慶寺錢糧松郡濱海統華亭
上海二縣厥田下下而賦上上春夏間水至則不受種藝
秋潦則穀且不實從善始以爲憂卽戒縣官築堤防水親
授以法城西南有晉陸瑁魚池舊爲屋其上以爲鄉師授
書地歲久且壞從善新之命曰西湖書塾設堂祠置祭田
招師訓弟子而廩膳之秩滿母徽國夫人樂尊鱸因卜居
城南以稱母意泰定元年宰相奏爲南康守多異績會母

薨終喪還居松江以著書自晦有通鑑地理志二十卷考異六卷生意齋筆錄三十五卷書記十卷中朝紀聞若干卷博愛堂家藏方論若干卷至正二年卒

俞師魯字唯道婺源人大德十年辟署史館編修以親老求外遂授隆興路學教授家居十年至治中除廣德路學教授授松江府知事多有政績民爲之歌曰俞公未來案牘紛披吏饑而欺俞公既來官僚怡怡吏飽而嬉惟其黑憤使我心惻

密蘭色目人廉敏讜正泰定二年自山南江北道肅政廉訪使爲都水庸田使置司華亭每赴司騶從甚簡一日道市中有荷擔突簾而出者馬驚蘭墜地騶阜掖憇民家保伍方譟縻其人待罪蘭起坐召長民者謂曰吾馬生非其故也慎勿責之時服其量後召爲刑部尚書

何蒙字叔正泰定間知上海縣貧而廉家奴十餘口屑麥作粥舉無愠歎歲歉邑民阻饑請發粟賑貸民賴以全

余貞字復卿寧州人中泰定丁卯科授上海丞調棗陽縣令皆以政聲聞後至元庚辰秋以翰林修撰召修遼金宋三史

劉克復字仁叔燕山人元統癸酉自并州幕選授松江推官始至博徒繫者七人其二入爲怨家所構雪縱之府稱

本志卷之三十一
神明居益久平反大辟至流徙者十有二擲屈而伸者三十有八疑而請輕者七完其生者甚衆先是民豪曹夢炎賂取大官歲獻萬石久之產盡糧移買家連及鄉邑民與吏交困權倖於常賦外剋取附餘椎斲膏血民無所訴克復言於當路悉除之代去民爲勒石頌德

郭也先不花字彥禎順德內丘人後至元三年爲華亭尹民有以僞鈔告償其物價者郭曰偶誤耳付諸火易真償之及改官士民群拜馬首取鞞懸東門以存遺愛後歷任袁州路判官致仕慨然長嘯曰華亭禽魚草木不吾怪也遂隱跡凡二十載卒葬縣橫雲山

李璋濟寧鉅野人自江浙闖掾擢尹上海留意文教嘗重刻九經四書板本歸之孔廟以廣傳習學者便之

顧述字思邈至正楊完者兵後同知松江府事時禍難甫解羣情未固述至勞徠撫循俗更殷阜論者謂張全義之尹河南郭禹之治荆韓建之刺華能化瘠爲腴轉嗟爲歌以述方之庶幾無愧遷嘉興路同知士民追送舳舻不絕者數十里

劉輝字文大汴人早歷臺省雋聲流聞至正五年以餘姚丞擢知上海縣縣瀕海岍湖旱潦皆病重以宋季公田虛徵及罪人資產稅額加數倍役人往往破產輝諭富民令

自實隱田勸豪右出粟爲議役常平本達官里居者亦各
來助於是賦役遂均恒先期告集瀕海民有三甲五甲者
挺暴有司莫敢詰輝取痛懲之撫其孱弱而諭以禮義衆
遂帖服邑無社學創置百六十餘所舉鄉約召耆民及小
吏觀之使知敬老尊賢之義威行惠浹期會惟揭縣門無
敢後者有兄弟爭財連歲不決輝召諭之皆感泣罷去擢
中書戶部主事會母卒民不忍捨爲買地以葬之兩甲民
亦相率哭奠隣邑士民亦爲刻石頌德

吳福孫字子善杭州人未冠用察舉補嘉興路儒學錄歷
遷將仕佐郎松江府上海縣主簿到官之始歲適大旱有
請立應理民田爲豪強所據久而不歸者諭止婚姻之訟
積數歲不決者他利害興除方次第舉行俄奉省檄詣溫
台兩郡臨給鹽場工本七年秋執事鄉闈甫畢復俾馳傳
督閩中稅賦以疾還上海卒於解舍

張德昭字彥明邢臺人至正七年尹華亭首爲箋釋陳仙
居勸學文鏤板授邑子弟歲澇傷都水使者勒有秋狀德
昭固爭至投所授救求去使者悟許之先是吏吳中者往
往受大家贄如圭田之入德昭悉謝絕衣麤食淡妻子皆
化之秩滿士民爲八字頌刻之郭門曰公平廉明勤儉慈
讓時謂實錄

哈散沙字允中阿兒溫氏至正十一年爲達魯花赤時兵
興民苦徭役沙抑強植弱以均之文事武備厥政克修鈔
法不行民無糴沙告僚吏曰吾爲民師帥忍坐視老弱餒
死溝壑乎吾將糴倉粟以賑民秋穫糴以補之吾則塞矣
衆懽然曰惟命遂發粟及勸富民月糴官置半印簿帖書
其口與糴數簿給糴家帖給糴者逐月對帖糴之卒無閉
糴憂所活甚衆郡民肖像祀之視事五年廉慎如一考績
爲浙西最尋除平江路達魯花赤張士誠陷城赴水死
蘇宗瑞至正二十三年尹上海敏練明決獄無冤滯民甚
德之又爲文廟置禮器凡邊豆壘爵琴瑟鐘鼓之屬莫不
備具識者謂其知務

鄭銖字彥平浦江人其家八世共爨號爲義門元至正中
任松江等處稻田提領所大使嘉定華亭上海之交有田
二十頃餘旣隸所中而都水使者及江淮財賦府復重賦
之民日困甚銖爲聞于朝免之先是徵民無藝歲有羨糧
萬餘斛上下共利之銖至卽命還民吏以無主名爲解弗
聽乃計家口數分之望門而拜者以千數稻田所素號米
穀府銖日糴於市猶貧人然會從子洵來省覲病卒卽日
解綬去

王艮字止巖諸暨人歷官兩浙都轉運鹽使司經歷遷江

浙行省簡較官松江人徐瑄潘文桂告曹夢炎等占種湖田草地及瞿時學等隱匿沙塗事行省委良體覆良詳考本末謂松江一府在宋止納秋苗十一萬二千有奇今已至七十四萬五千餘石沿海諸場歲辦鹽課鈔三十八萬五千九十五定除支撥工本外實解三十二萬三千七百定有奇其于國計非小補矣湖田塗蕩糧課俱已入官縱有微末未科然計其所收爲利已大瑄等所言蓋如販夫鬻婦校計錙銖豈知爲國之體不宜信從以長無窮之害議上行省從之良有文學嘗與段天祐追和華亭十詠後宦至淮東宣慰副使卒

王至和山東樂安人至正間知松江府興學校重農事考訂釋奠禮製執事者冠服刻栽桑圖以教民境內風動嘗歲饑盡發常平粟復議勸分活饑民八萬二千五百餘戶口二十五萬有奇後人祠祀之

何緝字子敬泰州人至正末尹上海縣廉公有爲興學校勸農桑遇淫祠巫覡必毀斥之曰母使鬼神禍福之說惑吾民也時稱爲儒吏云

魯淵字道源建德人賜同進士出身元季任華亭縣丞動循禮法佐治公廉以道學自重郡之學春秋者多出其門稱爲岐山先生所著春秋節傳圖例策府樞要行于世

盛彥忠廣陵人元末爲華亭丞嘗開白茆河撫民獨至清
江貝瓊作白茆歌贈之楊維禎比之古鄴令西門豹云
胡存道字師善諸暨人泰定進士胡弋中從弟也至正丙
申春監司舉爲松江府學訓導是年四月苗寇至將焚學
宮存道曰吾所以不去者爲學守也當與俱存亡遂叱之
曰若寧殺吾學不可毀也兵怒殺之先是存道以死自許
題詩于壁曰領檄來司教臨危要致身及難果守死明正
統中祀于先賢祠

松江府志卷之三十一

一終

松江府志卷之三十一

名宦

明七十
三八

湯和字鼎臣鳳陽人幼有奇志元至正壬辰率壯士從郭
子興時明太祖在甥館和委心推翼遂爲佐命元功洪武
初封信國公十七年乞歸太祖謂之曰日本屢擾東海上
卿雖老強爲朕行視要地築城增戍固守備和乃起登萊
抵江浙築五十九城始建金山衛于松江府南控浙直界
又迤東建青村所又東北建南匯所增置守禦千戶所于
府城調戍伍立烽堠經畫周密世守其制莫能易焉二十

松江府志

卷之三十一

名宦二

八年卒年七十贈東甌王謚襄武

祝挺字正夫江西鄱陽人洪武初知上海縣時盜錢鶴臯倡亂僞總兵姚某率眾逼縣治挺懷印走府謀討逆聞府城陷乃仰天嘆曰縣我死所也效死弗去賊迫使見僞總兵挺毅然曰吾有頭在勿復語賊知不可屈釋之乃密遣人諭巨室以順逆有能擒賊者上汝功巨室遂具舟治器械渡挺而東與前主簿鄭著王倚主簿李從吉等聚義兵斬僞帥姚總兵金萬戶于西溝復縣治餘黨東奔海謀復叛又遣唐翼等追斬之時右相國徐達遣偏帥統兵破錢鶴臯將移兵縣境挺星馳詣帥曰苟降罰罰我如撫民

則定矣無煩大軍三往返猶未止會鶴臯忿邑人不附者指爲逆黨帥逮捕甚急且以窘挺挺潛使報狀于右相國徐達達爲上聞按問得實乃釋時鄰邑以誑誤死者相枕籍而上海獨晏然挺之力也楊維禎爲文刻石紀其事

馮榮烏江人洪武初知華亭縣甫三月錢鶴臯據府治叛榮不屈縛置獄中驍騎將軍葛俊旣獲錢鶴臯怒從亂者欲屠其城榮力爭止之脫死者數萬戶旣而興學校勸農桑辨枉撓均徭役政教一新邑以大治

陳寧初名亮茶陵人元末爲鎮江小吏從軍至金陵代諸將言事高皇帝異之賜名寧授江南行省掾吏歷中書省

松江府志 卷之三十一
參議吳元年出知廣德州遷浙江按察使洪武元年召入
爲司農卿遷兵部尙書二年出知松江府政尙嚴明積賦
並集尋召爲尙書左丞

李浩字師孟直隸保定人歸附初同知府事均賦役平出
納明黜陟慎興革嚴關津清獄訟時稱爲循吏未幾召置
機近

王文貞洪武六年以府同知署華亭縣事時兵後教弛文
貞復學故址築射圃建觀德堂舉行鄉射禮又時臨講堂
以勉諸生議者方之文翁

蔣惠鄱陽人洪武十一年知華亭縣先是縣誣平民李秀
三等二十人爲大盜惠察其無辜立貰之乃密授方畧獲
真盜馬鬍等十八人正其罪以明惠稱

胡儼字若思江西南昌人資性朴諒問學該博凡天文地
理律曆醫卜皆通其說洪武二十年舉于鄉授華亭教諭
時年尙少抗師道訓勵諸生敦行檢爲講說經史寒暑不
廢丁母憂去官服闋改長垣上疏乞近地養親改餘于建
文元年知桐城縣永樂初授翰林檢討歷侍讀諭德國子
祭酒兼侍講掌翰林院事洪熙元年以疾乞休加太子賓
客致仕祀郡先賢祠

蕭九萬江西南昌人洪武間以歲貢爲諸暨丞博學能詞

翰嘗書容忍思慮四字疏其義揭門屏間以誨訟者遷華亭知縣疏民弊五事忤旨被逮臨刑嚙指血錄詩報母云
微臣斬首丹心在尚有英魂返故鄉

杜鎰洪武末知上海縣其政以崇節儉黜華靡爲本廉介自信遇事明果吏畏而民懷之

甄庸北平人建文元年以戶部主事出爲松江知府醇謹嚴重以廉自防雖所得俸貲苟欲易一衣具一食必于他郡營之常曰人非古人其避嫌疑不得不爾也事母至孝仕至工部尙書致仕

松江同知失其姓名亦不知何許人勤王詔下同知楊募

義勇入援指斥靖難兵及文皇卽位械至京不屈磔于市

出表忠錄
朝野彙編

夏原吉字維喆湖廣湘陰人洪武二十三年鄉舉授戶部主事歷本部右侍郎充福建採訪使永樂二年蘇松大水以戶部尙書奉命來治既而上命僉都御史俞士吉齎水利集賜之原吉乃集官屬吏民及凡諳曉水利之人博求參考以浙西諸郡蘇松最居下流三江故道久湮難可驟復而嘉定劉家港卽古婁江徑通大海常熟白茆港徑入大江宜浚吳淞江安亭諸浦引太湖水入劉家白茆二港使直注江海而松江大黃浦乃通吳淞要道下流壅塞傍

本江府志 卷之三十一
有范家浜至南踰浦口可徑入海宜浚令深廣上承大黃
浦以達泖湖之水此卽三江入海之故跡條奏以聞疏見水利
志上從之役夫十餘萬原吉布衣徒步徧歷邀僻日夜經
畫盛暑揮蓋去日衆皆赤體曝日中我何忍于是人爭盡
力水患乃息歲饑奏發粟三十餘萬石以賑之二年還朝
復出治水水洩農田大利時有奏以水退淤肥召民耕種
以足國用者原吉曰民疲極矣可加之重役乎卽馳奏得
寢姚廣孝還自浙西上詢之對曰夏原吉古之遺愛也三
年秋八月召還掌部事洪熙初進少保兼太子太傅卒贈
特進光祿大夫太師謚忠靖

趙友同字彥如金華人父良仁博學邃醫游吳中友同從
之因家于長洲刻志讀書常從宋文憲濂游攻古文辭及
舉子業爲華亭訓導姚廣孝言其深于醫遂授太醫又有
言其知木事者詔從夏原吉治水其後大臣數薦其文學
及修永樂大典以本官領副總裁修性理大全亦預焉書
成當遷翰林以母喪去官卒

黃子威名輅以字行江西進賢人洪武末以儒士授長洲
丞永樂初擢刑部員外郎二年出知府事公勤剛果不惑
儉邪始至郡罹水患子威跋履鄉邑撫綏賑資民藉以存
活者甚衆三年政通人和上下信服以註誤及丁母憂去

民前後赴愬懇留者千餘人其後郡更三守而民念之猶一日朝廷知之俾復任操履如初甚得時譽


魏驥字仲房浙江蕭山人永樂三年舉于鄉明年授松江府學訓導汲汲以成就人材為務諸生讀書學宮常夜攜茶粥勞問諸生益感激自奮滿九載諸生楊珙等詣闕乞留時仁宗監國令還任復教三年十七年陞南京太常博士正統中累官南京吏部尚書景泰元年致仕成化七年卒年九十八謚文靖驥身不勝衣言不出口居家二十年布袍糲食不治生產清德雅望為海內宗而尤得松人士心既老猶手書往復不倦松人雖長子孫猶曰吾祖吾父

魏公門人也

陳遜字必恭福建浦城人永樂十二年進士擢監察御史巡按吳中上海民濮宗文聚無賴行劫官軍不能制密以方畧授守禦官擒之無一免者復捕蘇松諸民唐全等千餘人民賴以安仕至雲南右布政卒于官囊無遺貲都督沐昂為具棺殮還其鄉

韓陽字伯陽浙江山陰人永樂十六年以鄉舉授松江府學訓導操行清謹善教迪三載以父憂去再教丹陽薦為監察御史陞湖廣僉事督學政終廣東左布政使

侯端字敬莊盱眙人永樂四年銓授金山衛指揮同知性



嚴毅剛勇以金山東南要害修城濠備器械練士卒為守
 戰備十七年倭寇登岸端與同知衛事卻某分兵出戰卻
 出南門全軍皆覆賊遂由南門入城斷橋端孤軍在東門
 不得入引兵至西門橋亦斷仰天嘆曰城亾吾分必死安
 可偷生遂策馬躍過河入西門眾不能繼與賊巷戰數十
 合身被箭如蝟轉戰至衛門賊驚曰好將軍也乃以所掠
 布橫于街欲生致之端馳至以一劍挑布一劍截而斷之
 賊仆地而笑端得馳出東門次于楊家橋鳴鼓招散卒得
 百人令曰今潮退舟膠人持草一束與砲俱進至海灘焚
 賊船十餘艘賊不得歸遂大敗端有勇力府治石後倪高

四五尺以一手挽之行十餘步策馬過坊門交手擁楯以

足挾其馬而懸之騎射刀槊皆過人故能立功

端巷戰時一劍忽墜

地所乘馬口銜以授端其異如此

魏允韶江西人永樂二十二年進士歷四川道御史宣德
 二年戶部言松江歲租百萬轉輸漕運轄領未得其人廷
 臣以允韶對遂命督漕比至值歲潦允韶撫諭諄切歲終
 完者六七卽乘傳詣闕為民請命上允其奏郡人德之
 方佐浙江寧波人宣德初知上海縣明達世務清白愛民
 民亦愛之

潘俊字文英順天清河人以鄉貢宣德中授本府通判明

吏牘書筭清慎慈祥才能理劇賦役有弗均者審實爲條之一郡歸心焉秩滿民欲借留會病卒于官

周忱字恂如江西吉水人永樂二年進士自庶吉士授刑部主事轉員外郎遷越府長史宣德五年廷薦擢工部右侍郎巡撫南直隸時蘇松常三府逋賦皆數百萬忱訪問父老具知加耗獨在貧下戶又糧長家自徵收概量取羨無度乃奏設管糧官定斛斗式立水次倉每府通計一歲田糧及支撥數以秋糧正米爲則令官民田均出加耗戶給由帖定注所應輸令自赴倉囤戶糧長同收互察而總糧官監督之徵收畢別其存留起運之數起運舟車費視

道路爲差甚遠者以三致一遞近減殺之支撥羨餘俱存積官倉名曰餘米米有餘則減耗初歲加耗什之七次年什六又次年什五凡夏稅馬草農桑絲絹織造軍需供億之屬及絕戶積荒陷沒江湖包納之賦皆于是取之更有餘別爲預備濟農倉儲之備水旱不時賑貸及農乏食綱運風漂盜奪者轉假至秋還官其濬河築堤爲農事者人支口糧不責償又官田稅重而北京官俸支南京米數后帖賣僅一金奏折收金花銀一兩准秋糧四石以充官俸折糧官布例重三斤多以麤驗退忱請勿限輕重止取廣長中式民皆便之尋復議于淮安瓜洲對船交兌民免長

松江府志 卷之三十一
運之累立召佃法使民得墾遺弃官田而薄收其稅以來
之其絕戶官田悉依民田起稅除坍江陷海田稅而以鄰
近絕戶田召人耕種足其額于是田野日闢流亾來歸松
江鹽場丁戶近者煮海遠者助薪蒸費顧煮海苦乏食助
薪又往返病農忱計其所耕出糧六萬石盡留本地節其
運耗以足鹽丁之食并柴薪價竝貯于官公爲支遣彼此
交便課遂以充其他若奏折馬草銀徵馬價米歲省費無
算又北京公侯祿米輸受皆在南京請改赴蘇松常三府
就支省耗米六十萬併入濟農倉所修葺學校廨舍賢祠
古墓橋梁道路溝渠歲不下萬計民不知役在任二十二

年張弛變通下無逋負官有餘積諸所建明繼之者莫能
變也忱宇量恢弘思慮深遠善采衆論雖卑官賤吏開心
訪納性尤機警錢穀鉅萬屈指無遺累遷至工部尙書景
泰二年召還京致仕明年卒年七十二謚文襄

趙豫字定素保定安肅人洪武末以生員督賦守城永樂
六年爲泌陽主簿未上擢兵部主事陞郎中宣德五年奉
敕知松江府時戍兵驕甚豫擇其尤者杖而配之邊衆遂
帖服于是一意撫循與民休息皆得盡其情擇名家子謹
良者爲吏訓以禮法不威而嚴下亦不忍欺居恒忍嗜欲
絕游燕每誦范文正先憂後樂之言曰吾輩所當法也巡

撫周忱有所經畫必與之議而後決民受其賜而終不自言其斷獄以律令爲準晨起視牘惟兩吏侍傍數卒肅列階下無敢譁者尤重儒術待學官必以賓禮滿考吏民數千人伏闕請留增秩正三品復任前後十五年清靜如一下下皆化之正統十年正月吏部論天下有司治行尤著者十一人豫列上等詔宴于午門賜金織衣一襲鈔五百貫縉紳榮之及致仕去吏民攀擁不得行刻石頌德祀于先賢祠及配食周文襄公祠

王源字啟津福建龍巖人永樂二年進士初授深澤知縣秩滿陞春坊司直郎仁宗卽位改衛府紀善遷松江府同知奏罷重額糧二十四萬餘石逋負糧二十九萬餘石豪民宋保等五人號五虎源繩以法而平反刁民褚路等所誣奏二百餘家以母老乞終養後知潮州府進階二品俸七十致仕

王琚山西平陽人宣德八年以長史左遷知華亭縣蒞政廉平人心悅服致仕去邑民擁抱留其靴城市觀者相顧不忍別

王來字元之浙江慈谿人宣德二年舉人授江西新建縣教諭召爲御史巡按蘇松時中官陳武以太皇太后旨路經江南勢張甚獨爲來所折及還愬之上問都御史顧佐

蘇松巡按爲誰佐曰王來上命記之及代還臨軒慰勞賜宴光祿以寵異之爲山西參政巡撫于謙嘗薦以自代李瀚山西屯留人宣德間進士初令潼關改補華亭縣歲凶民多流亡加意招撫漸以復業還貴戚所侵民田徵拜御史歷官副都御史董漕政入爲南京戶部尙書孫鼎字宜鉉江西廬陵人永樂三年舉于鄉授江浦縣教諭宣德九年陞松江府教授以德義陶煦士類終日坐堂上不苟言笑解經至要義辨之必明嘗於學者曰學莫先孝弟能孝弟未有不信于友不忠于君者重建尊經閣益祀漢陸康陸績元胡存道于先賢祠葺廟廡重繪先賢像

增廣學舍及祭器經史下及倉庾庫不完美在郡九年考順天鄉試者一考廣東者一所至服其公明楊士奇尤重之稱爲教官第一滿考諸生具疏乞留以楊溥薦爲監察御史總南畿學政以身爲教如在松江每單車蒞所部諸生旣集卽閉門面試一文或破題數首隨閱隨定畢便開門呼名而出先後允愜私囑自不及入嘗見庭橘方熟命左右摘分諸生一生取其二問之以奉親對鼎大稱賞倍遺之庚午秋英宗在北鼎小試畢謂諸生曰諸君從有司當簪花宴餞今日乃臣子枕戈之秋老夫不敢陷諸君子不義乃與啜茶從中道步送出諸門旣而詣闕上疏請隨

所用以效死不報道還遇尙書金濂慷慨對泣有萬里丹
心扶日月兩人清淚對山河之句踰年還朝以親老致仕
天順元年卒于家年六十有六祀郡先賢祠
章增字永益浙江瑞安人先知永新縣有聲正統中調知
華亭禮賢惠民退食則閉門解宇蕭然六年秩將滿以疾
卒民追思之

黃琛字廷獻福建延平人年二十舉于鄉正統四年登進
士授戶部主事時尙書金濂以琛耿介有爲最所器重嘗
檄清理糧儲於蘇松等郡蘇松自周忱巡撫後所在公庾
積儲餘粟凡有興作輒以取給費出不經豪民猾胥因爲

奸利琛至稽覈隱欺一裁之以法豪猾憚懾宿弊頓蠲時
論躋之仕至南京戶部右侍郎

彭勗江西永豐人以建寧府學教授拜監察御史正統二
年始奉敕提調南直隸學校其取人先行而後藝校文先
理而後詞風裁凜然士習丕變七年松江小試府學取十
五人華亭取七人或以爲少請益之不許曰吾所取者皆
決科若是足矣及榜出兩學薦名二十人錢溥第一徐觀
第三張恭第五所遺者縣學二人耳其精鑒如此後陞考
功郎中山東按察副使致仕

張禎東臯人正統二年以上海縣丞陞本縣知縣先是巡

撫侍郎周忱至上海耆民相率詣忱言禎公勤和緩撫字有方本縣非禎不能理今知縣缺請以禎補之忱具以聞吏部以禎未九載例不當遷英宗曰民情不可拂也特從之

翁世資字資輔福建莆田人正統六年領鄉薦明年舉進士十年授戶部主事進郎中勘南畿水災奏蠲糧米七十餘萬發粟賑貧全活甚衆陞工部侍郎天順四年歲祲蘇松歲造綺幣逋負甚多世資奏乞免忤旨貶衡州知府後遷江西左布政使終工部尚書

翁紹宗鳳陽人正統十一年巡撫周忱請修築沿海城以備倭寇遂以紹宗爲都督僉事賜璽書總理軍務紹宗在鎮久能舉其職凡忱所建置預有功焉

劉惠字孟懷河南上蔡人以薦掌金山衛事三十年獨居南樓清心勵行一衛化之知廉恥之足尙

葉冕字拱辰其先江西浮梁人生浙之上虞正統十年進士景泰二年擢知松江府廉而明鋤強培弱民畏服之時連歲饑饉冕悉力賑救賴以全活者甚衆府有澱山湖半屬崑山界湖堤壞相率推諉冕獨爲築萬餘丈蘇人愧之秩滿陞山東參政晉左副都御史致仕初冕樂松江土風旣致仕買第秀野橋之西歿葬北錢里一子蚤亾遂無後

弘治中浮梁族人啟其柩歸江西松人悼惜之
楊昕浙江瑞安人景泰三年知上海縣興學勸農平徭簡
訟丁母憂去賻贈皆不受起復知華亭清操益厲提學使
選秀民充弟子員昕具書稱名敦請士皆感奮部使者交
章薦其賢弗果用改知壽光以疾卒喪還過吳門兩邑民
多哭奠者
陳泰福建邵武人景泰五年以右僉都御史巡撫江南時
論者以富室田多輕額其重者多在貧下泰因以周文襄
之法推廣調停令以五升之田倍其賦而官田之重者止
取正額澤始均而賦不損上下便之

鄒來學字時敏湖廣麻城人宣德八年進士授戶部主事
景泰六年以副都御史巡撫江南時江南諸郡水旱頻仍
來學乞以今年輸京米三十萬石已徵者悉貸予民來秋
償官庶國賦不虧小民得濟上從其請既至首發倉賑饑
勸農桑修水利察官吏奸貪大家暴橫者悉繩以法又言
往年蘇松等郡糧俱軍兌輸京頃因邊警調軍征守令民
自輸遂至役民十五萬加以盤費之資須銀三十萬兩米
四十萬石正糧數少浮用數多民所以重困也今邊境頗
寧請仍令軍運軍用其力民資以財兩適其便上可其奏
著爲定例江南至今德之

寧祥山東章丘人景泰中以舉人授松江府同知蒞職清
謹愛民惜物嘗浚蒲漚塘建盤龍塘諸橋歲旱奏免徵兩
邑稅糧十九萬石民深德之

李紋字仲繡江西九江人舉賢良方正景泰中知上海縣
剛毅練達剖決若流猾吏奸民惴恐不敢肆嘗以暇日訪
民疾苦而陰察其貧富故徭役稱平雖荒村僻巷若家至
而戶歷者

趙正三山人景泰間爲上海縣教諭終日坐堂上講授夜
振鐸以警惰者及門旣仕而休者猶念之不衰云

李秉字執中山東曹縣人正統元年進士天順元年以右

僉都御史巡撫應天一守陳泰之制時歲饑秉出官庫銀
充運費易在倉米以賑民全活甚衆罷黜賊吏十數輩郡
中肅清後官至太子少保吏部尙書致仕卒謚襄敏

徐貫字原一浙江淳安人天順元年進士歷官工部左侍
郎時蘇松水患廷議推貫奉敕往治之貫至簡有司分理
踏勘周悉授以方畧水患遂弭事竣陞本部尙書累加太
子少保卒贈太保謚康懿

崔恭字克讓直隸廣宗人正統元年進士天順二年以左
副都御史巡撫江南時米價騰踊恭出倉米給民而取其
直以充義役費米價遂平吳淞江湮塞八十年恭督工開

浚萬餘丈下流遂通又浚曹家溝蒲漚塘新涇大盈浦諸
水至今爲利民因目曹家溝爲都臺浦召爲吏部左侍郎
陞尙書卒贈太子少保謚莊敏

江震浙江錢塘人天順四年以鄉貢授上海訓導動止有
則勤于課誦兩典文柄皆得人擢知廣濟縣
劉孜字顯孜江西萬安人正統十年進士天順六年以左
副都御史巡撫江南松江有積荒田四千七百餘頃皆重
額久廢不耕稅加于見戶孜請召民開佃不論原額肥田
畝稅米三斗瘠者二斗謂之官租不起科加耗民歡趨之
蕪穢盡闢不二年見戶加耗皆復舊又歲積羨米二十萬

以備凶荒召佃始于周文襄忱而成于孜立法周密至今
行之官至南京刑部尙書

俞欽浙江新昌人景泰二年進士歷官禮部郎中天順七
年坐科場失火調松江同知廉慎慈惠不爲煩苛嘗委董
學校理戎伍士勸民懷歌頌盈耳未幾召爲兵部郎中去
之日行李蕭然累遷至禮部右侍郎卒

吳則浙江宣平人以巡檢平賊功天順八年陞華亭主簿
明察善斷下不能欺巡撫滕昭雅善之遣署上海清負租
一萬八千石設策賑飢民八千餘戶值海溢爲災復陳請
蠲其租六千餘石士民德之作借賢育民詩

滕昭河南開封人成化六年以副都御史考察福建官尋奉敕來巡撫時上海官貪黷甚昭徑往按之悉置諸法列郡聞之皆震竦減秋糧加耗益漕運費甚得軍民心王崇之字守節直隸滑縣人成化七年知上海縣時濬吳淞江崇之分任其事役力用財皆有條理民謂鑿江之功王公居多滑縣名臣傳云崇之天性友愛剛正弗撓與王威寧越齊名稱大小虎云

戴珊字廷珍江西浮梁人天順八年進士成化八年以監察御史督學南畿嚴考較抑奔競約束堅明風雨不爽品士尤精覈能以文藝占心術器識及年命修短位秩高下

十不失一經其賞拔者後多知名弘治末爲刑部尙書卒于官謚恭簡

婁謙字克讓江西上饒人成化二年進士拜監察御史十四年繼戴珊來提學名其堂曰畏天軌範端肅以身先之中官汪直新幸銜謙不與通使邏校文致其短竟莫能得已督北直陝西學爲教一如南都時終四川布政使何澗字源清廣東東莞人成化八年進士授松江府推官明允清慎門無私謁知府王衡贈詩云關門共惜寒儒苦斷獄爭誇老吏明後徵爲御史終按察司僉事

于準字世衡江西安仁人以鄉貢入太學通判長沙衛輝

一府成化十年陞松江同知嘗攝府事閱吏牘有當改者
諭之必當而後已民有犯面告以所坐有枉者爲直之吏
不得取一錢被檄開孟瀆河能盡衆力不咎一人而事迄
辦城中失火勢烈甚準衣冠向火再拜火遂息人以爲誠
感秩滿乞致仕陞知本府俾還任仍蒞事三日去準吳與
彌高弟也爲政清約慈惠蓋學有原本焉

陳選字士賢浙江臨海人天順四年會元成化中以監察
御史提學南畿頒冠祭禮鄉射儀俾諸生習之每按部就
止學宮絃歌俎豆古風郁然前後三年變色之語不及于
衿佩折筮之咎不下于皂輿仕終廣東左布政使革市舶

忤中貴誣逮卒正德中贈光祿卿諡恭愍

司馬聖字通伯浙江會稽人天分超絕年十五作廬山賦
出語驚人成化八年舉進士擢監察御史提學南畿較文
隨閱隨定飛筆點竄俄頃而畢瑕不遺與諸生講論從
容往復每舉一義必出人意表士以此服之陞福建按察
副使致仕卒

郭綸字理之四川長壽人成化十一年進士知望江縣調
華亭爲人明察而嚴整未明出廳事逮暮始休雖盛暑必
衣冠終日無怠民一見卽識其姓名縣庭清肅諸吏行文
書外無敢出一語者時中貴人至從人多需索綸按其驛

券視無名者叱左右收縛之中貴人皇恐謝過去自是豪強屏跡民賴以安二十一年以疾告歸

王衡字宗銓山西稷山人少以神童稱天順八年進士知淳安縣召爲監察御史成化十四年知松江府方正清嚴人不敢干以私止息囂訟非死囚未嘗繫獄囹圄數空民運至瓜洲淮安交兌者苦官軍摧剝有司不敢言衡奏其弊請就支于本倉且劾總兵官不戢軍士奉旨約束二運皆停中貴人以織造至多所需索衡以法裁之皆斂手不敢肆興學校重經術賓禮賢俊諸生見者與之均禮在官七年清介如一日丁內艱去府舍一物以上皆命吏籍之

以待繼者卽醢醬亦然累官至陝西布政使

李棨字從質直隸任丘人成化十四年進士由教諭知上海縣賦訟叢沓持以鎮靜去後嘗見思云

王恕字宗貫陝西三原人正統十三年進士成化十五年以兵部尙書巡撫南直隸諸屬吏聞恕名墨者輒解綬去十八年松江水災大饑斗米百錢恕奏免秋糧數十萬草半之周行賑貸全活至二百餘萬口中貴人王敬挾干尸王臣等以妖術取中旨收市圖籍珍玩張皇聲勢搜括貴人財寶官府供億不貲恕盡列其罪狀三劾奏之下敬錦衣獄而梟王臣于江南遠近稱快終吏部尙書謚端毅

徐憲字振綱河南安陽人成化十四年進士授松江推官
察獄無冤民大悅服稱曰徐青天有盜牛者以火刀更其
角莫辨也憲令縱牛入野牛奔主家闌中乃治盜罪入爲
御史後以親老謝病歸

樊瑩字廷璧浙江常山人天順八年進士授監察御史成
化二十年繼王衡知府事時運夫折閱逋欠積累而倉場
書手尤侵盜害人瑩至日夜講求盡得其要領曰運之折
閱以衆皆齊民無所統一故利歸狡猾害及善良而糧運
綱費與供應軍需皆出自餘米旣收復糶輾轉重煩此弊
所由生也乃請革民夫俾糧長自運寬其綱用以資之夏

秋稅糧除常運本色外其餘應變易者盡徵白銀見數
遣運糧者旣無敢輕費掌記者又無可蔽藏于是官司積
弊十去八九田野之間叫呶始息會丁母憂去弘治中累
官刑部尙書致仕卒贈太子少保謚清簡

彭韶字鳳儀福建莆田人天順元年進士成化二十年以
副都御史繼王恕巡撫江南爲政務大體不爲苛細奏折
兩京文武俸糧省轉輸之費公私便之又以鹽課大壞奉
命清理繪鹽場景物及竈戶艱辛狀爲八圖以進上嘉納
之陞刑部尙書乞休卒贈太子少保謚惠安

汪宣字德卿湖廣江陵人成化二十二年以進士知華亭

縣華亭自郭綸去後時咸謂難繼宣通練明察庭無留事
與學校禮師儒獎勸人材衆翕然稱之擢監察御史巡按
南直隸以親老乞南京就養卒

段讓字克恭山西人成化中以鄉舉署華亭教諭性淳厚
待諸生有恩敦尚廉恥口未嘗言利知府王衡其鄉里也
尤重之秩滿未發有以人命事繫府者懷金托緩其獄讓
蹙然曰此何以及我且若是彼死者何辜謝而遣之讓經
學純邃善教人詩文字畫皆有法

劉璟字德輝河南鄆陵人成化十一年進士二十二年以
刑部郎陞松江知府弘治七年以憂去在松凡八載督率

吏民勸農桑修水利敦士習勢豪某殺人前守莫能治璟
置之法豪右皆斂跡海上有城隍威靈太守廉明之謠官
至太子少保刑部尚書璟性剛直不阿上官幾誣以墨時
有府掾史周禋挺身出白之事載禋傳

郝希賢山東聊城人成化四年舉人弘治初任通判疏導
有方當道疏其能擢本府同知佐政益最

董鑰字啟之鄆縣人知上海縣明辨善幹理以邑分東西
鄉高下迥絕高者利浚卑者利防而防爲艱請築西鄉田
圍捍水患都御史吳世光賢之且令曰凡吏吳者以上海
爲式

朱瑄字廷璧浙江鄞縣人成化五年進士歷官右副都御史弘治八年巡撫南直隸出帑財糴穀萬斛以備賑應天蘇松等郡久不雨禱于神輒雨已復大潦民艱食奏減歲額疏三江下流殺湖水濬孟瀆等河通漕運又奏減蘇松常杭嘉湖六府稅額以寬民力民皆頌德焉
原應宿山西陽城人弘治間以鄉舉授府通判署上海縣剛達明果敏于立事其董水利尤力濬湮鑿隘大神農畝而公不匱財民不見病邑人稱之

郭經字載道直隸盧龍人弘治十一年知上海縣事簡民安以不能阿上官移開封府同知去之日邑人懷其德樹碑以頌之

傅鼎字用養福建閩縣人弘治二年解元十二年署華亭教諭經學通邃尤長于易理常作易髓八卷教士以誠人皆悅服嘗爲江西考官郡守子就試遣吏授以一合啟封乃猪蹄四也蓋隱謎云鼎堅卻弗受亦不舉其子士論高之陞知龍川縣以忤權貴左遷婺源改授吉安卒初鼎之龍川歲餘忽傳凶問邑諸生爲位三賢祠下朝夕泣奠經而入者二十七日已而知其妄也至是吉諸生具棺賻贈護其喪歸訃至華亭之泣奠如初遠致賻焉所著有華峰集射禮圖行于世

劉琬字德賚江西宜春人成化十四年進士由知松陽縣
補上海政務均平綜理周密入爲南御史松守缺松人咸
願得爲守語聞吏部弘治十二年出知松江府凡所興革
務久長用文學飭吏治考大成之樂間詣學宮飲射讀法
率學官弟子親爲講說飭陸宣公周文襄祠表貞節忠孝
百廢具興俗尙侈靡躬先儉約客至豆觴魚鱸果脯一飯
而已

吳廷舉字獻臣湖廣嘉魚人成化二十三年進士授廣東
順德知縣弘治九年遷成都同知改松江故事太守升堂
後諸府佐各歸署治事廷舉獨不去卽側坐府堂視守事

有未當者輒正言規切之嘗上疏請修軍政廣東盜起陞
兵備僉事以劾鎮守太監潘忠二十罪忤逆瑾誣以枉道
歸械首吏部前十二日遣戍雁門尋赦歸瑾誅起雲南副
使歷廣東右布政副都御史又疏六事陰備宸濠之變召
爲兵部右侍郎改南京工部晉右都御史巡撫南畿折豪
強植貧弱禁私驛革工作廷舉長身而瘠面如削爪衣敝
帶穿不事修飾神采英毅志識雄偉言行必自信人鮮能
奪之視財利如糞土妻子冒飢寒而施予不較有無轉南
京工部尙書卒無以爲殮都御史姚鏐爲營辦之謚曰清

德

文政重廣

文政重廣

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------

